

Nos Naturaleza



Fotografo: Mirjanou Ponson



Den e luna di April
**Fundacion "Salba nos
 B u r i c o "**
 ta cumpli 5 aña, razon
 pakiko nos a dicidi di
 dedica nos seccion di
 'Naturaleza' na nos
 buriconan y e fundacion
 cu ta brindando e animal
 bunita aki e cuido y e
 amor necesario pa asina
 e por sobrevivir pa hopi
 generacionnan mas...

Un poco di su historia

E burico Arubano a wordo importa door di Spañonan den e siglo 17. Sigun historico Den Hartog, e burico Arubano ta procedente di paisnan rond di e mar Mediterraneo.

E meta principal di e importacion di burico tabata pa transporte. E burico tabata wordo utiliza pa transporta tur sorto di material, manera e.o. piedra, awa, etc. Tambe nan tabata e medio di transporte pa hende. Te hasta pa casamento nan tabata wordo usa.

Na Aruba nos conoce e burico blanco, e burico shinishi, e burico bruin, esun kofie y esun preto. Un burico por alcanca un edad di 35 pa 40 aña di edad.

Na e momento aki tin entre 100 y 150 burico riba Aruba, cu ta parti entre nueve grupo.

Fundacion Salba nos Burico

E fundacion a wordo lanta na April 1997 cu e meta principal: e mantencion y proteccion di nos burico. Den e periodo 1996 pa 1998 den e vecindario di Pos Chiquito (caminda mayoria di e buriconan tabata biba) hopi burico tabata wordo venena, tira of gedald door di auto. E yiunan tabata wordo kita for di nan mama, pa

despues nan muri toch pa falta di alimentacion, etc.

Anteriormente Pos Chiquito tabata e

habitat di e buriconan, pero e construccion di residencianan a core cu e buriconan. Asina e buriconan a





cuminsa cana mey mey di e casnan, cu tur e consecuencianan cu esaki tabata trece cune. E buriconan tabata wordo mira como un estorbo pa e habitantenan y nan tabata forma un peliger pa e trafico. Pa e motibo aki nan a dicidi di lanta e fundacion "Salba nos Burico" y na mesun momento nan a busca un reserva pa hinca e buriconan aden. Lastimamente ya caba e reserva a bira mucho chiquito. Nan a cuminsa cu 14 burico y awor tin 24 burico den e grupo. Di naturalesa e burico ta un animal masha amabel. Di origen e ta un bestia domestica, pero obligatoriamente e la bira manera un bestia salvahe.

Su boluntarianan

Tur dia e boluntarianan ta duna e buriconan cuminda y haci e bakinan di awa limpi y e buriconan malo ta wordo cuida. Tambe nan ta vigila nan hopi di cerca, especialmente e buriconan cu ta spera yiu. E buriconan ta haña cuminda na un grupo y e grupo di Fontein tambe ta haya cuminda regularmente. Na Rooi Koochi tambe tin cuater burico cu no por biba den un manada ('kudde') pasobra nan ta bieuw, nan tin handicap of nan ta mucho jong ainda. Pa falta di boluntario y placa, e voluntarianan no por cuida tur e gruponan di burico. Toch nan ta purba di tur manera pa yuda e buriconan malo.

Na e momento aki tin mas o menos 11 voluntario cu ta yuda cu e cuidu di e buriconan, pero e fundashon mester di mas ayudo. Si bo tin amor, tempo y e gana pa traha cu e animalnan special aki, tuma contacto cu nan na e telefon menciona na e final di e relato aki.

Club hubenil "Amigo di Ban Ban horea largo"

Poco tempo pasa nan a funda e club aki cu ta especialmente pa muchanan entre 8 y 14 años. E muchanan ta haña e oportunidad di cuida e buriconan un biaha pa luna, bao di guia di un of mas boluntario. Di e forma aki nan ta purba di conscientiza e hubentud di e importancia di cuidu y proteccion di nos herencia cultural. Tambe nan ta siña encuan to e cuidu general di bestia.

Esunnan cu lo kier bishita e santuario di burico na St. Lucia, por haci esaki riba e delaster diadomingo di luna for di 11'or te cu 2'or di merdia. Tambe lo bo por haci un cita pa haci e buriconan un bishita. E scolnan basico ta gusta haci uso di e oportunidad aki y e muchanan ta encanta esaki masha hopi mes.

Si bo kier haci un donacion of pa cualquier informacion encuan to Fundashon Salba nos Burico, yama nan libremente na tel.: 944316.

Nos ta desea Fundashon Salba nos Burico hopi exito y forza pa futuro...

A R U S A MAIL BOX

TIME & MONEY IS VALUABLE

SAVE IT

ORDER YOUR

- Magazine Supcriptions
- AS SEEN ON TV Items
- Articles seen on Web-Sites
- Or anything else You've seen Either in Magazine/Catalogs etc.

**Your Affordable and Dependable
MailServiceConnection
with the U.S.**

Nieuwstraat 34-A

Tel: 832459

Tel: 844960



TROPICAL GROVE



- Strawberry
- Guava Punch
- Fruit Punch
- Mango Mango
- Citrus Punch
- Grape Drink
- Apple Drink

Available in:

8 OZ. / 16 OZ. / 64 OZ.



RealPure
BRAND
JUICE
a squeeze above

Olijfiestraat 25

Tel. 930670 / 936690 Fax 838598